

# Buletin **Bandaraya** MAJLIS BANDARAYA ISKANDAR PUTERI



BIL.1/2021 UKPA

Laman Sesawang : [www.mbig.gov.my](http://www.mbig.gov.my) | e-mel : [admin@mbip.gov.my](mailto:admin@mbip.gov.my)



- YANG BERHORMAT DATO' HAJI MOHD HAFFIZ BIN HAJI AHMAD, DATUK BANDAR MAJLIS BANDARAYA ISKANDAR PUTERI KE-3
- SESI WALKABOUT YAB MB JOHOR KE PROGRAM MY RAKYAT
- KUNJUNG HORMAT KPD ISKANDAR PUTERI KEPADA DATUK BANDAR MAJLIS BANDARAYA ISKANDAR PUTERI (MBIP)



@mbipofficial



@mbipofficial



019 7555404



MBIP- Majlis Bandaraya Iskandar Puteri



Hotline Call Centre 1-300-80-5000

# SIDANG EDITOR

## PENASIHAT

Yang Berhormat Dato' Haji Salehuddin bin Haji Hassan  
Mantan Datuk Bandar

Yang Berhormat Dato' Haji Mohd Haffiz bin Haji Ahmad  
Datuk Bandar

Yang Berbahagia Tuan Haji Abu Bakar bin Mohamed Salleh  
Setiausaha

## KETUA EDITOR

Encik Azrullail bin Masijan

## EDITOR

Puan Siti Nuratiqah binti Abu Amin  
Puan Maizatal Akmar binti Rabudin

## SIDANG EDITOR

Puan Noradah binti Amir  
Puan Nur Fazira binti Mohd. Isa

Puan Lily Azzura binti Hangsor  
Puan Normalah binti Othman  
Puan Kalaiselvi a/p Kumarasamy  
Encik Fahkrul Anuar bin Salleh

## PEREKA

Encik Al-Imran bin Ariffin

## JURUFOTO

Encik Mohd Farithrizal bin Md. Zain

## PENERBIT

Unit Korporat dan Perhubungan Awam  
Majlis Bandaraya Iskandar Puteri  
Jalan Medini Sentral 9, Bandar Medini Iskandar,  
79250 Iskandar Puteri, Johor Darul Ta'zim

Telefon : 07- 5555000  
Call Centre : 1300-80-5000  
Faks : 07- 5567831  
Emel : admin@mbip.gov.my  
Whatsapp Aduan : 019-7555404  
Twitter : @mbipofficial  
Instagram : @mbipofficial  
Facebook : MBIP - Majlis Bandaraya Iskandar Puteri

## ISI KANDUNGAN

### PERISTIWA

KAWALAN DENGKI KAWASAN BANJIR KAMPUNG SEPAKAT DAN KAMPUNG LAUT	[03]	MAJLIS PELEPASAN PERPINDAHAN DARI IBU PEJABAT MBIP SKUDAI KE IBU PEJABAT BAHRU MBIP, MEDINI	[14]
MBIP HANTAR BANTUAN PASCA BANJIR KE DAERAH KOTA TINGGI	[04]	SESI WALKABOUT YAB MB JOHOR KE PROGRAM MYRAKYAT	[15]
SUMBANGAN "FACE MASK" DAN "HAND SANITIZER" KEPADA PUSAT PEMINDAHAN SEMENTARA (PPS) MANGSA BANJIR	[04]	PROGRAM KOMUNITI RENDAH KARBON RUMAH ISKANDAR MALAYSIA BERSAMA MAJLIS PELANCARAN PROGRAM KALENDAR ISKANDAR PUTERI RENDAH KARBON 2021 SERTA APLIKASI MUDAH ALIH KITARECYCLE	[16]
BANTUAN KEPERLUAN LOGistik DI SEKATAN JALAN RAYA (SJR) DALAM TEMPOH PERINTAH KAWALAN PERGERAKAN (PKP)	[05]	LAWATAN DATUK BANDAR MBIP KE PASAR AWAM, TAMAN UNIVERSITI DAN TAPAK BAZAR RAMADAN MAJLIS BANDARAYA ISKANDAR PUTERI	[16]
INFO: SAMBUTAN 100 TAHUN PROFESION PERANCANG BANDAR MALAYSIA	[05]	KUNJUNG HORMAT KPD ISKANDAR PUTERI KEPADA DATUK BANDAR MAJLIS BANDARAYA ISKANDAR PUTERI (MBIP)	[17]
YANG BERHORMAT DATO' HAJI MOHD HAFFIZ BIN HAJI AHMAD, DATUK BANDAR MAJLIS BANDARAYA ISKANDAR PUTERI KE-3	[06]	<b>KEMASYARAKATAN</b>	
MAJLIS SERAH TUGAS DATUK BANDAR, MAJLIS BANDARAYA ISKANDAR PUTERI	[07]	PENGAGIHAN PROGRAM KOTAK BANTUAN MAKANAN NEGERI JOHOR	[18]
LAWATAN DATUK BANDAR KE PASAR AWAM DAN PENEMPATAN SEMENTARA PENJAJA DI TAMAN PERLING	[07]	LAWATAN HOME VISIT YAYASAN KANSER TUNKU LAKSAMANA JOHOR	[18]
LAWATAN DATUK BANDAR KE TAPAK CADANGAN PEMBINAAN PUSAT AKTIVITI SUKAN, REKREASI DAN BELIA	[07]	LATIHAN ATAS TALIAN SISTEM OSC 3.0 PLUS ONLINE BERSAMA PIHAK JKT KPKT	[18]
LAWATAN DATUK BANDAR KE PASAR AWAM TAMAN PERLING	[07]	<b>ZOOM</b>	
LAWATAN PENGERUSI JAWATANKUASA PELANCONGAN, BELIA DAN SUKAN NEGERI JOHOR KE LOKASI PELANCONGAN UTAMA ISKANDAR PUTERI	[08]	KAKITANGAN BERSARA	[19]
LAWATAN DATUK BANDAR MBIP KE ARKED, GERAI, PASAR, MEDAN SELERA DAN TAPAK CADANGAN PASAR AWAM	[09]	JASAMU TETAP DIKENANG (KAKITANGAN YANG TELAH MENINGGAL DUNIA)	[19]
OPERASI BERSEPADU JABATAN PENGUATKUASAAN	[10]	PELANTIKAN KAKITANGAN BAHRU BERTARAF (KONTRAK) DI MAJLIS BANDARAYA ISKANDAR PUTERI	[19]
TINDAKAN KAWALAN KESELAMATAN SARINGAN COVID-19	[10]		
SERAHAN BORANG DAN PROSES UNDIAN PETAK BAZAR RAMADAN 2021	[11]		
PROGRAM LAWATAN KERJA EXCO PERUMAHAN DAN KERAJAAN TEMPATAN NEGERI JOHOR KE KEBUN KOMUNITI ISKANDAR PUTERI: PANGSAPURI KENARI A1	[11]		
LAWATAN TAPAK DATUK BANDAR MBIP KE KEBUN KOMUNITI PANGSAPURI KENARI A1 DAN KEBUN KOMUNITI PANGSAPURI JENTAYU, KANGKAR PULAI	[11]		
MAJLIS PELANTIKAN DAN ANGKAT SUMPAH DATUK BANDAR MAJLIS BANDARAYA ISKANDAR PUTERI YANG KE-3	[12]		

## KAWALAN DENGGI KAWASAN BANJIR KAMPUNG SEPAKAT DAN KAMPUNG LAUT

Oleh: Kalaiselvi A/P Kumarasamy

Pada 5 dan 6 Januari 2021, Unit Vektor MBIP telah mengadakan kawalan denggi di kawasan Kampung Sepakat dan Kampung Laut. Antara aktiviti yang dilakukan ialah pemusnahan kawasan-kawasan yang berisiko pemberian nyamuk dan pungutan sampah sarap di kawasan tersebut.



## MBIP HANTAR BANTUAN PASCA BANJIR KE DAERAH KOTA TINGGI

Oleh: Editor

Majlis Bandaraya Iskandar Puteri telah menghantar pasukan sukarelawan bagi membantu kerja-kerja pembersihan di sekitar daerah Kota Tinggi. Seramai 70 orang sukarelawan daripada kakitangan MBIP telah terlibat dan lebih 20 jentera pelbagai jenis telah digunakan semasa program bantuan berkenaan.



## SUMBANGAN FACE MASK DAN HAND SANITIZER KEPADA PUSAT PEMINDAHAN SEMENTARA (PPS) MANGSA BANJIR

Oleh: Editor

Pada 10 Januari 2021, MBIP telah menyumbangkan sebanyak 10,000 keping pelitup muka kepada Pusat Pemindahan Sementara (PPS) bagi mangsa-mangsa banjir di SMK Skudai, Taman Sri Skudai, SJK (C) Kuo Kuang, Taman Ungku Tun Aminah dan SMK Taman Sutera, Skudai. Selain itu, pihak MBIP turut menyumbangkan *hand sanitizer* serta menghantar bantuan logistik kepada penduduk yang terjejas.

Lebih 1,000 orang mangsa banjir telah dipindahkan yang melibatkan penduduk Kampung Laut, Kampung Sepakat Baru & Kampung Batu 8 1/2, Skudai. Yang Berhormat Dato' Haji Salehuddin bin Haji Hassan, Datuk Bandar Majlis Bandaraya Iskandar Puteri telah turut serta melawat Pusat Pemindahan Sementara (PPS) yang terlibat.

Diingatkan semua mangsa yang terjejas sentiasa mematuhi Prosedur Operasi Standard (SOP) yang telah ditetapkan oleh Majlis Keselamatan Negara (MKN) bagi sama-sama mencegah penularan Covid-19 yang semakin meningkat ketika ini.



## BANTUAN KEPERLUAN LOGistik DI SEKATAN JALAN RAYA (SJR) DALAM TEMPOH PERINTAH KAWALAN PERGERAKAN (PKP)

Oleh: Editor

Majlis Bandaraya Iskandar Puteri telah menyediakan bantuan seperti keperluan logistik di setiap Sekatan Jalan Raya (SJR) di bawah Ibu Pejabat Polis Daerah Johor Bahru Utara dan Ibu Pejabat Polis Daerah Iskandar Puteri. Pelbagai keperluan yang disediakan seperti khemah, tandas bergerak, kon keselamatan, lampu serta kipas di enam lokasi Sekatan Jalan Raya (SJR) yang terlibat.



## INFO: SAMBUTAN 100 TAHUN PROFESION PERANCANG BANDAR MALAYSIA

Oleh: Editor

Tanggal 18 Januari 2021 merupakan sambutan 100 tahun Perancang Bandar di Malaysia. Profesional ini secara rasminya telah berada di Tanah Melayu sejak tahun 1921, dengan kehadiran seorang *Goverment Town Planner*, *Charles Reade* dari Kerajaan Australia Selatan sebagai Pegawai Perancang Bandar yang pertama di Tanah Melayu.

Tugasan utama beliau pada ketika itu adalah membuat perancangan, susun atur dan penempatan semula aktiviti-aktiviti guna tanah di Kuala Lumpur. Antaranya penempatan kuarters Kerajaan dan perumahan awam di Jalan Imbi, penempatan Sekolah Victoria Institution, pelebaran Sungai Klang dan juga pelebaran jalan-jalan utama di Kuala Lumpur melalui penubuhan Enakmen Perancangan Bandar 1923.

Bandar Baru terancang pertama di Tanah Melayu dan juga Asia telah dibina oleh seorang Perancang Bandar, *Charles Reade* pada tahun 1926 iaitu di Kuala Kubu Bharu dengan konsep *Garden City* daripada *Ebenezer Howard*. Ia merupakan konsep pembangunan bandar terancang yang ideal pada era itu.

Pembangunan Bandar Baru ini ekoran daripada berlakunya beberapa siri banjir besar di bandar lama, Ampang Pechah pada ketika itu.

Akta Perancangan Bandar dan Desa 1976 [Akta 172] telah digubal dan diwartakan pada 25 Mac 1976 untuk pengawalan dan pengawalseliaan Perancangan Bandar dan Desa di Semenanjung Malaysia mengikut Perkara 76(4) Perlembagaan Persekutuan yang membawa maksud untuk memastikan persamaan undang-undang dan dasar serta peraturan yang sempurna, bagi perancangan bandar dan desa dalam kawasan pihak berkuasa tempatan dalam negeri-negeri di Semenanjung Malaysia. Akta ini menjadi punca kuasa kepada PLANMalaysia untuk memacu perancangan pembangunan negara.

Profesional Perancang Bandar dan Desa kurang dikenali oleh masyarakat Malaysia berbanding profesion yang lain seperti Jurutera, Arkitek, Doktor, ataupun Peguam. Namun profesion inilah sebenarnya yang menjadi tulang belakang dalam mencorak struktur pembangunan negara sama ada di bandar maupun di desa, dan lipatan sejarah telah membuktikan kepentingan profesion ini kepada negara.

**YANG BERHORMAT DATO' HAJI MOHD HAFFIZ BIN HAJI AHMAD, DATUK BANDAR MAJLIS BANDARAYA ISKANDAR PUTERI KE-3**

Oleh: Editor

Warga Kerja Majlis Bandaraya Iskandar Puteri mengucapkan selamat datang dan selamat bertugas kepada Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri yang ke-3 dan beliau telah memulakan tugas pada 1 Februari 2021.



## MAJLIS SERAH TUGAS DATUK BANDAR, MAJLIS BANDARAYA ISKANDAR PUTERI

Oleh: Editor

Majlis menandatangani Nota Serah Tugas Datuk Bandar telah disempurnakan oleh Yang Berhormat Dato' Haji Salehuddin bin Haji Hassan, Pegawai Kewangan Negeri Johor merangkap mantan Datuk Bandar Majlis Bandaraya Iskandar Puteri bersama Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah diadakan pada 1 Februari 2021 di Dewan Mesyuarat Aras 10, MBIP.

Sekalung penghargaan dan jutaan terima kasih diucapkan kepada Yang Berhormat Dato' Haji Salehuddin bin Haji Hassan di atas segala sumbangan dan bakti sepanjang tempoh berkhidmat di Majlis Bandaraya Iskandar Puteri.

## LAWATAN DATUK BANDAR KE PASAR AWAM DAN PENEMPATAN SEMENTARA PENJAJA DI TAMAN PERLING

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar MBIP telah mengadakan lawatan ke pasar awam dan penempatan sementara penjaja di Taman Perling pada 21 Februari 2021 bersama Tuan Haji Abu Bakar bin Mohamed Salleh, Setiausaha Ahli Majlis dan ketua-ketua jabatan MBIP. Tujuan lawatan diadakan untuk meninjau tahap kemajuan kerja dan juga isu semasa yang berbangkit berkaitan projek naik taraf Pasar Perling.

Datuk Bandar juga mengadakan lawatan ke tapak penempatan penjaja sementara di Jalan Camar. Antara isu semasa yang dibangkitkan ialah proses serta keperluan utiliti (elektrik/air), mengenal pasti tapak pembuangan sampah sementara secara berpusat, reka bentuk serta kemasan yang dicadangkan untuk bangunan pasar, perpindahan penjaja sedia ada ke tapak cadangan penempatan penjaja sementara dan keperluan untuk menyediakan tapak letak kenderaan di atas rezab pengangkutan.



## LAWATAN DATUK BANDAR KE TAPAK CADANGAN PEMBINAAN PUSAT AKTIVITI SUKAN, REKREASI DAN BELIA

Oleh: Editor

Pada 3 Mac 2021, Yang Berhormat Dato' Haji Mohd Haffiz bin Haji Ahmad, Datuk Bandar Iskandar Puteri bersama Ketua-Ketua Jabatan telah mengadakan lawatan di beberapa lokasi cadangan bagi pembinaan infrastruktur sukan, rekreasi dan belia di sekitar Iskandar Puteri yang berada di atas rizab tanah kosong, tanah lapang dan rekreasi. Hal ini kerana MBIP amat komited dalam menyokong segala usaha dan inisiatif ke arah pembangunan sukan khususnya di dalam kawasan Iskandar Puteri. Antara lokasi strategik bagi projek pembangunan pusat sukan, rekreasi dan belia adalah seperti di sekitar Bandar Medini, Taman Estuari dan Taman Nusa Duta. Pihak Medini Iskandar Malaysia Sdn. Bhd dan wakil Majlis Sukan Negeri Johor turut hadir pada sesi lawatan berkenaan.

## LAWATAN DATUK BANDAR KE PASAR AWAM TAMAN PERLING

Oleh: Editor

Pada 2 Mac 2021, Datuk Bandar MBIP bersama pegawai Jabatan Penilaian dan Pengurusan Harta dan pegawai Jabatan Kejuruteraan MBIP telah mengadakan lawatan di tapak perpindahan sementara Pasar Awam Taman Perling. Tujuan lawatan diadakan untuk meninjau tahap kemajuan kerja perpindahan peniaga/penyewa pasar ke khemah sementara bersebelahan pasar tersebut dan tahap kemajuan kerja semasa projek naik taraf pasar tersebut.

Antara perkara yang perlu diberi perhatian adalah berkenaan kebersihan dalam kawasan khemah sementara penempatan peniaga/penyewa dan keselamatan barang-barang niaga milik peniaga/penyewa.



## LAWATAN PENGURUSI JAWATANKUASA PELANCONGAN, BELIA DAN SUKAN NEGERI JOHOR KE LOKASI PELANCONGAN UTAMA ISKANDAR PUTERI

Oleh: Editor

YB Datuk Onn Hafiz bin Ghazi, Pengurus Jawatankuasa Pelancongan, Belia dan Sukan Negeri Johor bersama Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah mengadakan lawatan ke lokasi-lokasi pelancongan utama pada 8 Mac 2021 di sekitar Iskandar Puteri. Pelbagai insentif yang telah dan sedang dilaksanakan oleh Tourism Johor bagi memastikan sektor pelancongan negeri Johor terus berkembang dan menjadi pilihan pengunjung dalam dan luar negara. Turut hadir pada sesi lawatan berkenaan ialah Tuan Haji Suhairi Hassim, Pengarah Tourism Johor, Tuan Haji Pandak Ahmad, Ahli Majlis MBIP, Encik Nor Hisham Hussein, Pengurus Besar UEM Sunrise Bhd.

Lawatan berkenaan juga memberi fokus kepada kerja-kerja menaik taraf kemudahan dan infrastruktur di tempat tumpuan utama pelancongan antaranya Kompleks Sultan Abu Bakar, Gelang Patah yang menjadi salah satu pintu masuk utama pelancong ke Malaysia khususnya negeri Johor dan berada dalam kawasan Pentadbiran Majlis Bandaraya Iskandar Puteri. Terdapat pelbagai isu telah dibincangkan bagi memastikan pandangan dan idea daripada wakil industri pelancongan negeri Johor dapat diperhalusi agar dapat memberi keselesaan kepada pengguna khususnya pelancongan, secara tidak langsung dapat meningkatkan imej dan mutu perkhidmatan kepada pelancong yang datang ke negeri Johor.

Selain itu, kawasan Iskandar Puteri juga memiliki lokasi-lokasi tumpuan utama pelancong bertaraf antarabangsa antaranya Legoland, Sea Life Legoland, Forest City, Puteri Harbour, Kota Iskandar, Mall of Medini, Sunway X-Park, Kampung Tradisi Kampung Sungai Melayu dan lain-lain. Sektor Pelancongan Sukan juga dilihat akan menjadi tarikan utama pelancong di kawasan Iskandar Puteri selepas pembukaan beberapa lokasi sukan bertaraf antarabangsa seperti Stadium Sultan Ibrahim, Velodroom Johor, Arena Emas, Kompleks Sukan Eductury, Forest City Golf Resort dan sebagainya.



## LAWATAN DATUK BANDAR MBIP KE ARKED, GERAI, PASAR, MEDAN SELERA DAN TAPAK CADANGAN PASAR AWAM

Oleh: Editor

Pada 10 Mac 2021, Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri dan Ketua-Ketua Jabatan MBIP telah mengadakan lawatan ke beberapa lokasi pusat perniagaan seperti Arked, Gerai, Pasar, Medan Selera dan tapak cadangan pembinaan pasar awam, Gelang Patah. Turut hadir pada sesi lawatan berkenaan, Tuan Haji Pandak bin Ahmad, Ahli Majlis MBIP, wakil daripada Pihak Berkusa Wilayah Pembangunan Iskandar (IRDA) serta wakil Pengurusan Premis.

Lawatan berkenaan memberi fokus kepada beberapa isu utama seperti ubah tambah bangunan, baik pulih kemudahan dan infrastruktur, kebersihan premis, kutipan sampah dan sebagainya. Antara lokasi lawatan berkenaan ialah Kompleks Arked, Gerai dan Pasar, Taman Ungku Tun Aminah, Medan Selera Iskandar Malaysia, Taman Nusa Perintis dan Arked MARA Gelang Patah serta tapak cadangan pembinaan Pasar Awam Gelang Patah.

Pada lawatan berkenaan, Datuk Bandar MBIP juga sempat meluangkan masa untuk bertemu dengan peniaga-peniaga untuk mendapatkan maklum balas dan pandangan berkaitan aktiviti perniagaan, isu-isu yang berkaitan dengan kemudahan asas, infrastruktur premis dan sebagainya. Hasil daripada lawatan berkenaan, beberapa inisiatif akan dilaksanakan dengan kerjasama pihak yang berkaitan seperti mempromosikan Medan Selera Iskandar Malaysia sebagai salah satu lokasi makanan utama di dalam Peta Pelancongan Iskandar Puteri dan Pelancongan Johor.

Selain itu, cadangan mengoptimumkan ruang niaga sedia ada dengan jualan produk-produk kraf dan termasuk daripada Industri Kecil dan Sederhana (IKS) yang mampu menjadi tarikan pengunjung untuk datang juga akan diperhalusi dan secara tidak langsung menjana pendapatan penduduk setempat. Dalam pada itu, beberapa lokasi cadangan tapak bagi pembinaan Pasar Awam Gelang Patah telah dikenal pasti, pemilihan lokasi akan diperhalusi dengan mengambil kira beberapa aspek utama seperti kedudukan yang strategik, infrastruktur yang lengkap, aliran trafik yang baik, ruang letak kereta mencukupi dan sebagainya.



**OPERASI BERSEPADU JABATAN PENGUATKUASAAN**

Oleh: Fahkrul Anuar bin Salleh

Jabatan Penguatkuasaan MBIP telah bekerjasama dengan Pejabat Daerah Johor Bahru dalam melaksanakan operasi bersepadu sitaan mesin permainan di Taman Eco Botanic, Iskandar Puteri pada 10 Mac 2021. Hasil tindakan operasi ini, Pejabat Daerah telah menyita beberapa mesin permainan dan telah disimpan di depo mereka manakala anggota penguatkuasaan MBIP telah mengambil tindakan untuk menutup premis tersebut daripada beroperasi.

**TINDAKAN KAWALAN KESELAMATAN SARINGAN COVID-19**

Oleh: Fahkrul Anuar bin Salleh

Jabatan Penguatkuasaan MBIP, Kementerian Kesihatan Malaysia, Anggota Pertahanan Awam dan Jabatan Sukarelawan Malaysia telah bekerjasama melaksanakan pemantauan dan kawalan keselamatan saringan Covid-19 di Dewan Taman Bukit Indah. Tindakan ini berterusan sepanjang Perintah Kawalan Pergerakan (PKP), Perintah Kawalan Pergerakan Diperketatkan (PKPD), Perintah Kawalan Pergerakan Bersyarat (PKPB) dan Perintah Kawalan Pergerakan Pemulihan (PKPP) Covid-19 serta Perintah Kawalan Berkurung dikuatkuasakan.

**SERAHAN BORANG DAN PROSES UNDIAN PETAK BAZAR RAMADAN 2021**

Oleh: Noradah binti Amir

Pada 14 Mac 2021 hingga 16 Mac 2021 Jabatan Pelesenan, Majlis Bandaraya Iskandar Puteri (MBIP) telah mengadakan sesi serahan borang dan proses undian petak Bazar Ramadan 2021M/1442H bertempat di Dewan Serbaguna Skudai, MBIP. Seramai 30 orang kakitangan Jabatan Pelesenan dan 10 orang kakitangan Jabatan Penguatkuasaan, MBIP terlibat semasa proses serahan borang dan undian petak bazar dijalankan.

Sebanyak 11 tapak bazar di bawah anjuran MBIP telah ditawarkan kepada peniaga dengan sejumlah 773 petak disediakan.

## PROGRAM LAWATAN KERJA EXCO PERUMAHAN DAN KERAJAAN TEMPATAN NEGERI JOHOR KE KEBUN KOMUNITI ISKANDAR PUTERI: PANGSAPURI KENARI A1

Oleh: Editor

Majlis Bandaraya Iskandar Puteri (MBIP) dengan kerjasama Universiti Teknologi Malaysia (UTM) telah menjalankan "Projek Kebun Komuniti Iskandar Puteri bersama Komuniti Pangsapuri Kenari A1, Kangkar Pulai" pada penghujung tahun 2019. Projek ini adalah bersempena dengan Program Bangsa Johor Bahagia yang merupakan hasil ilham dan inisiatif Keluarga Diraja Johor yang telah dilancarkan pada 17 Mac 2019 oleh Duli Yang Maha Mulia (DYMM) Permaisuri Johor, Raja Zarith Sofia Almarhum Sultan Idris Shah.

Projek ini memfokuskan kepada kesedaran dalam Gaya Hidup Bebas Sisa di kalangan penduduk dalam menghadapi masalah pemanasan global yang sedang dijalankan oleh pihak MBIP sejak awal tahun 2018 lagi. Sehingga kini, Projek Kebun Komuniti Iskandar Puteri ini dijalankan dengan diketuai oleh Jabatan Perancangan Pembangunan dan dibantu oleh Jabatan Landskap, MBIP. Selain itu, pakar-pakar yang terdiri daripada pensyarah dan pelajar UTM daripada Fakulti Sains dan Sekolah Pendidikan turut sama membantu bagi menjayakan program ini.

Melihat kepada komitmen dan usaha mampan komuniti di Pangsapuri Kenari A1, Kangkar Pulai telah berjaya merangkul tempat kedua bagi Anugerah Kejiranan Hijau 2020 anjuran KPKT. Sebagai tanda penghargaan, YB Exco Perumahan dan Kerajaan Tempatan Negeri Johor dan Datuk Bandar MBIP telah berbesar hati memberikan penghargaan melalui Pemberian Sumbangan Tabung Covid-19 dan Wakaf Komuniti serta Peralatan Lengkap Pengkomposan kepada Komuniti Pangsapuri Kenari A1, Kangkar Pulai. Sebagai lanjutan daripada projek ini, Komuniti Kenari turut mendapat peruntukan tambahan daripada Inisiatif PENJANA yang diselia oleh Jabatan Pertanian Johor Bahru.



## LAWATAN TAPAK DATUK BANDAR MBIP KE KEBUN KOMUNITI PANGSAPURI KENARI A1 DAN KEBUN KOMUNITI PANGSAPURI JENTAYU, KANGKAR PULAI

Oleh: Editor

Lawatan tapak ke Projek Kebun Komuniti adalah untuk melihat persediaan bagi Majlis Perasmian Pelan Hala Tuju dan Buku Panduan Kebun Komuniti di Peringkat Pihak Berkuasa Tempatan Negeri Johor 2021-2026 yang akan dijalankan bertempat di Pangsapuri Kenari A1, Kangkar Pulai, Johor.

Projek Kebun Komuniti Iskandar Puteri ini dijalankan bagi meningkatkan pengeluaran bahan makanan harian yang segar di kalangan penduduk di bandar sama ada di taman-taman perumahan atau di pangsapuri yang lazimnya kekurangan ruang untuk bertani. Kebun Komuniti ini mampu memenuhi keperluan sendiri dan boleh dijadikan hasil pendapatan sampingan jika dijalankan secara meluas.

Kejayaan hasil inovasi Teknik Kultul Hugel ini terbukti apabila pada tahun 2020 kebun komuniti yang dijalankan oleh MBIP dan UTM bersama komuniti Pangsapuri Kenari A1, Kangkar Pulai, Johor telah berjaya merangkul tempat kedua bagi Anugerah Kejiranan Hijau 2020 anjuran KPKT. Usaha MBIP di dalam pelaksanaan Projek Kebun Komuniti juga telah mendapat perhatian daripada Kerajaan Negeri Johor.

## MAJLIS PELANTIKAN DAN ANGKAT SUMPAH DATUK BANDAR MAJLIS BANDARAYA ISKANDAR PUTERI YANG KE-3

Oleh: Editor

Pada 18 Mac 2021 telah berlangsung Majlis Pelantikan dan Angkat Sumpah Datuk Bandar Majlis Bandaraya Iskandar Puteri yang ke-3, Dato' Haji Mohd Haffiz bin Haji Ahmad. Majlis bermula jam 9.00 pagi sehingga 12.30 tengah hari dengan penuh protokol. Majlis telah dihadiri beberapa ahli VVIP antaranya ialah Yang Amat Berhormat Menteri Besar Johor, Yang Berhormat Setiausaha Kerajaan Negeri Johor dan Pegawai Kewangan Negeri Johor.



# Majlis

## PELANTIKAN DAN ANGKAT SUMPAH DATUK BANDAR

MAJLIS BANDARAYA ISKANDAR PUTERI YANG KE-3



**MAJLIS PELEPASAN PERPINDAHAN DARI IBU PEJABAT MBIP SKUDAI KE IBU PEJABAT BAHARU MBIP, MEDINI**

Oleh: Editor

Pada 24 Mac 2021 telah diadakan Majlis Pelepasan Perpindahan dari Ibu Pejabat MBIP Skudai ke Ibu Pejabat Baharu MBIP Medini. Majlis telah disempurnakan oleh Datuk Bandar Iskandar Puteri, Dato' Haji Mohd Haffiz bin Haji Ahmad dengan mengibarkan bendera Majlis Bandaraya Iskandar Puteri sebagai tanda perasmian majlis ini. Selain itu, beliau juga menyampaikan Pas Pergerakan Kenderaan Perpindahan MBIP kepada Encik Ruziman, Ketua Jabatan Penguatkuasaan untuk ditampal kepada dua buah lori yang membawa muatan dari Skudai ke Medini. Majlis ini diserikan lagi dengan bacaan doa supaya diberkati perjalanan pergi dan balik. Perpindahan ini turut diiringi oleh sebuah kenderaan dari Jabatan Penguatkuasaan.



## SESI WALKABOUT YAB MB JOHOR KE PROGRAM MYRAKYAT

Oleh: Editor

Pada 25 Mac 2021, Yang Amat Berhormat Dato' Haji Hasni bin Haji Mohammad, Menteri Besar Johor telah hadir ke sesi walkabout program MyRakyat yang diadakan di Edible Park, Medini. Program ini merupakan kerjasama strategik antara FAMA Negeri Johor, Medini Iskandar dan Iskandar Investment Berhad. Melalui program ini juga sebanyak 30 tapak perniagaan telah ditawarkan kepada usahawan untuk memasarkan produk mereka. Beliau telah diiringi oleh Dato' Haji Mohd Haffiz bin Haji Ahmad, Datuk Bandar Majlis Bandar Iskandar Puteri. Turut hadir ialah Encik Shahrizan bin Sudiman, Pengarah FAMA Negeri Johor, Haji Pandak bin Haji Ahmad, Ahli Majlis dan Haji Zamani bin Razali, Ketua Syarikat Medini Iskandar.



## PROGRAM KOMUNITI RENDAH KARBON RUMAH ISKANDAR MALAYSIA BERSAMA MAJLIS PELANCARAN PROGRAM KALENDAR ISKANDAR PUTERI RENDAH KARBON 2021 SERTA APLIKASI MUDAH ALIH KITARECYCLE

Oleh: Editor

Majlis Pelancaran Kalendar Iskandar Puteri Rendah Karbon 2021 telah diadakan pada 27 Mac 2021 yang disempurnakan oleh Yang Berhormat Dato' Haji Mohd Haffiz bin Ahmad, Datuk Bandar Majlis Bandaraya Iskandar Puteri (MBIP) bertempat di Komuniti Perumahan Iskandar Malaysia.

Dalam Program Komuniti Rendah Karbon, Datuk Bandar MBIP turut melancarkan aplikasi mudah alih Kitarecycle kelolaan SWM Environment Sdn. Bhd. Turut hadir bersama Encik Mohd Nadzir bin Che Omar, Pengurus Besar Prisma Harta Sdn. Bhd dan rakan strategik Tuan Haji Mohd Norlisam bin Mohd Nordin, Pengurus Besar Korporat SWM Environment Sdn. Bhd., Profesor Dr. Zaidatun binti Tasir, Dekan Fakulti Sains Sosial dan Kemanusiaan, Universiti Teknologi Malaysia (UTM), Puan Kamisah binti Mohd Ghazali, Naib Presiden Kanan, Resilient Environment, Pihak Berkuaesa Wilayah Pembangunan Iskandar (IRDA) serta Tuan Haji Shahilon bin Abd. Halim. Timbalan Pengarah Pendidikan (Pembelajaran), Jabatan Pendidikan Negeri Johor (JPNJ).

Melalui usaha untuk menggalakkan amalan masyarakat rendah karbon di kawasan MBIP, beliau percaya dengan menghakupayakan komuniti melalui pertandingan ini akan dapat memerangi masalah perubahan iklim. Pertandingan Kalendar Iskandar Puteri Rendah Karbon 2021 diperkenalkan khusus untuk penduduk, agensi kerajaan dan swasta serta sekolah di dalam kawasan MBIP yang memfokuskan kepada peningkatan kesedaran komuniti dalam penjimatian air, penjimatian elektrik dan pengurusan sisa.

## LAWATAN DATUK BANDAR MBIP KE PASAR AWAM, TAMAN UNIVERSITI DAN TAPAK BAZAR RAMADAN MAJLIS BANDARAYA ISKANDAR PUTERI

Oleh: Editor

Pada 28 Mac 2021 (Ahad), Yang Berhormat Dato' Haji Mohd Haffiz bin Haji Ahmad, Datuk Bandar MBIP bersama ketua-ketua jabatan teknikal telah mengadakan lawatan ke Pasar Awam, Taman Universiti, Skudai.

Lawatan berkenaan memberi fokus pada beberapa isu utama seperti ruang niaga, tempat penyimpanan barang, rumah sampah, kebersihan serta penyelenggaraan kemudahan-kemudahan sedia ada. Pada lawatan tersebut, Datuk Bandar MBIP telah meluangkan masa untuk bertemu dengan peniaga-peniaga untuk mendapatkan maklum balas dan pandangan berkaitan aktiviti perniagaan, isu-isu yang berkaitan dengan kemudahan asas dan infrastruktur premis dan sebagainya.

Selain itu, kerja-kerja baik pulih infrastruktur dan kemudahan asas turut akan dilaksanakan oleh pihak majlis secara berperingkat bagi memberi keselesaan kepada peniaga dan pelanggan. Dalam pada itu, semua peniaga juga diminta untuk semasa menjaga kebersihan di sekitar pasar berkenaan dan mematuhi Prosedur Operasi Standard (SOP) Covid-19 semasa Perintah Kawalan Pergerakan Bersyarat (PKPB) yang sedang dikuatkuasakan ketika ini.

Seterusnya, Datuk Bandar MBIP turut mengadakan lawatan ke Perhentian Bas dan Teksi Taman Universiti, Skudai bagi melihat kemudahan dan infrastruktur sedia ada. Beliau juga berkesempatan melawat tapak bazar ramadan MBIP di Taman Sri Skudai, Taman Ungku Tun Aminah dan Taman Perling pada sebelah petang bagi meninjau sendiri lokasi serta jumlah petak bazar yang disediakan dengan pelaksanaan SOP pematuhan norma baharu penjaja bazar ramadan MBIP pasca Covid-19.



**KUNJUNG HORMAT KPD ISKANDAR PUTERI KEPADA DATUK BANDAR MAJLIS BANDARAYA ISKANDAR  
PUTERI (MBIP)**

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar MBIP telah menerima kunjungan hormat YDH ACP Dzulkhairi Bin Mukhtar, Ketua Polis Daerah Iskandar Puteri pada 29 Mac 2021 di Bilik Perbincangan, Aras 1, Pejabat Datuk Bandar MBIP. Turut serta dalam program tersebut ialah Supt. Ibrahim Bin Mat Som, Timbalan KPD Iskandar Puteri.

KPD Iskandar Puteri mengucapkan tahniah kepada YB Dato' Hj Mohd Haffiz bin Haji Ahmad di atas pelantikan sebagai Datuk Bandar MBIP sejak 1 Februari 2021, seterusnya menyatakan agar meneruskan serta mempertingkatkan kerjasama antara dua pihak terutama dalam operasi sepadu bagi mengekalkan ketenteraman dan keharmonian warga Iskandar Puteri. KPD Iskandar Puteri turut merakamkan penghargaan kepada MBIP di atas kerjasama dan bantuan tenaga kerja serta kemudahan infrastuktur dalam melaksanakan OP Covid-19 sepanjang tempoh Perintah Kawalan Pergerakan. Kedua-dua pihak bercadang untuk berkolaborasi dalam menganjurkan Program Bandar Selamat peringkat IPD Iskandar Puteri dan Majlis Bandaraya Iskandar Puteri.



## PENGAGIHAN PROGRAM KOTAK BANTUAN MAKANAN NEGERI JOHOR

Oleh: Editor

Pengagihan Program Kotak Bantuan Makanan Negeri Johor merupakan program bersama Pejabat Daerah Johor Bahru, Yayasan Penyayang Iskandar Puteri dan Jabatan Pembangunan Masyarakat, Majlis Bandaraya Iskandar Puteri telah diadakan pada 13 hingga 14 Januari 2021 di Dewan Raya Taman Damai Jaya, 19 Januari 2021 di Dewan Raya Gelang Patah dan 20 Januari 2021 di Dewan Raya Taman Pulai Indah. Ahli Majlis juga turut turun padang dengan memberi bantuan kepada penerima mengikut zon masing-masing. Seramai 494 penerima telah menerima bantuan tersebut.

Melalui Yayasan Penyayang Iskandar Puteri, penyaluran bantuan berkenaan adalah berdasarkan daripada sistem data e-kasih yang diurus oleh Pejabat Daerah Johor Bahru. Kriteria penerima Program Kotak Bantuan Makanan ini membekalkan makanan asas seperti beras, kicap, biskut, gula dan tepung kepada pelbagai lapisan masyarakat terutama golongan miskin tegar, miskin am, ibu tunggal, golongan kurang upaya serta golongan yang bergantung pada sumber pendapatan harian.



## LAWATAN HOME VISIT YAYASAN KANSER TUNKU LAKSAMANA JOHOR

Oleh: Nur Fazira binti Mohd. Isa

Pada 20 Mac 2021, kerjasama antara Yayasan Kanser Tunku Laksamana Johor (YKTLJ), Yayasan Raja Zarith Sofiah Negeri Johor, Pejabat Daerah Johor Bahru, Jabatan Kebajikan Masyarakat Daerah Johor Bahru (JKM), Johor Corporation (JCorp), Majlis Bandaraya Iskandar Puteri (MBIP), Yayasan Penyayang Iskandar Puteri (YPIP), FoodBank Ji Shan dan Ketua-Ketua Masyarakat Setempat telah mengadakan lawatan *Home Visit* Yayasan Kanser Tunku Laksamana Johor ke rumah pejuang kanser dalam kawasan pentadbiran Majlis Bandaraya Iskandar Puteri. Lawatan tersebut telah diadakan di dua buah rumah pejuang kanser di Taman Mutiara Rini dan Melana Indah, Taman Perlindungan.

Semoga dengan lawatan dan sumbangan yang diadakan dapat memberikan semangat kepada mereka untuk terus berjuang. #fightlikeajail



## LATIHAN ATAS TALIAN SISTEM OSC 3.0 PLUS ONLINE BERSAMA PIHAK JKT KPKT

Oleh: Lily Azzura binti Hangsor

Dalam melaksanakan peningkatan dan penambahbaikan ke atas Sistem OSC 3.0 *Plus Online*, pihak JKT KPKT telah menjemput semua PBT untuk menyertai Sesi Latihan Peningkatan dan Penambahbaikan Sistem OSC 3.0 Plus secara atas talian dengan menggunakan aplikasi *Google Meet* dipautan yang telah diberikan. Penyertaan ini telah dibuat secara bersiri dan latihan bersama MBIP diadakan pada siri yang ketiga iaitu pada 15 dan 16 Februari 2021 di Dewan Jamuan Tingkat 10 Menara MBIP secara atas talian bersama 50 PBT lain di semenanjung Malaysia yang turut menyertai latihan ini.

## KAKITANGAN BERSARA

Oleh: Antasya binti Mohamed

Pihak Majlis merakamkan ucapan penghargaan kepada kakitangan berikut yang telah bersara wajib di atas sumbangan yang diberikan kepada pihak Majlis sepanjang tempoh perkhidmatan.

Butiran kakitangan adalah sebagaimana berikut:

	Nama : <b>ATMIN BIN ABDUL RAHMAN</b> Jawatan : Pembantu Awam H14 Tarikh Bersara : 01 Januari 2021 Jabatan : Jabatan Lanskap
	Nama : <b>SUAINI BIN SAGEH</b> Jawatan : Pengawal Keselamatan KP11 Tarikh Bersara : 29 Januari 2021 Jabatan : Jabatan Penilaian Dan Pengurusan Harta



## JASAMU DIKENANG (KAKITANGAN YANG TELAH MENINGGAL DUNIA)

Oleh: Antasya binti Mohamed

Warga kerja MBIP merakamkan ucapan takziah kepada keluarga kakitangan yang telah kembali ke Rahmatullah. Semoga Allah memberikan ganjaran yang besar kepada ahli keluarganya yang sentiasa sabar dengan ikhlas kerana Allah S.W.T. Semoga roh ditempatkan dikalangan orang-orang beriman dan bertakwa.

	Nama : <b>YUSLEE BIN ABD HAMID</b> Jawatan : Pen. Peg. Kesihatan Persekutuan U36 Tempoh berkhidmat : 01 Jun 2005 - 18 Januari 2021 Jabatan : Jabatan Kesihatan Awam
	Nama : <b>NODIN BIN SALIKIN</b> Jawatan : Pembantu Awam H14 Tempoh berkhidmat : 15 Disember 1985 - 30 Januari 2021 Jabatan : Jabatan Lanskap
	Nama : <b>RAIHANA BINTI ISMAIL</b> Jawatan : Penolong Akauntan W29 Tempoh berkhidmat : 01 November 2008 - 04 Februari 2021 Jabatan : Jabatan Kewangan



## PELANTIKAN KAKITANGAN BAHARU (KONTRAK)

Oleh: Antasya binti Mohamed

## SENARAI KAKITANGAN BAHARU LAPOR DIRI PADA 03 JANUARI 2021

Majlis Bandaraya Iskandar Puteri telah membuat pengambilan kakitangan baharu bagi mengisi kekosongan jawatan. Syabas dan tahniah diucapkan kepada mereka yang telah dilantik dalam perkhidmatan awam. Pihak Majlis berharap agar mereka dapat menjalankan tugas yang diberikan dengan penuh dedikasi, amanah dan tanggungjawab. Butiran kakitangan adalah sebagaimana berikut:

	Nama : <b>SITI ROHAYU BINTI AHAMAD</b> Jawatan : Pembantu Tadbir (P/O) N19 (Kontrak) Jabatan : Jabatan Kejuruteraan
---	---





**MAJLIS BANDARAYA ISKANDAR PUTERI  
JALAN MEDINI SENTRAL 9, BANDAR MEDINI ISKANDAR,  
79250 ISKANDAR PUTERI, JOHOR DARUL TA'ZIM.**

 [www.mbigov.my](http://www.mbigov.my)

 1-300-80-5000

 07-5555000

 019-7555404

 MBIP - Majlis Bandaraya Iskandar Puteri

 @mbipofficial

 @mbipofficial

